

**Kjo tabelë paraqet të dhënat e përmbledhura nga raportet e auditimit për vitin 2025 duke përfshirë
opinionet, konkluzionet dhe rekomandimet.**

Raportet e publikuara 01.01.2026-19.06.2026						
	INSTITUCIONI	OPINIONI	BAZA PËR OPINIONIN E KUALIFIKUAR/ KUNDËRT	KONKLUZIONI	REKOMANDIME	
					LLOJI	TOTAL
1	Projekti 'Raporti i auditimit për raportin financiar vjetor të Korporatës Energjetike të Kosovës për qëllime të veçanta mbi rentën minerare të paguar për licencat për vitin 2025'	I pamodifikuar				

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

2	Ndërmarrja Publike "KOSTT"	I kualifikuar	Në regjistrin e pasurive të ndërmarrjes, figurojnë 401 pasuri të trashëguara nga Korporata Energjetike e Kosovës (KEK), të cilat janë regjistruar me kosto historike zero. Prej tyre 39 parcela toke, 10 ndërtesa, 26 rrugë, 134 pajisje të rrjetit dhe 192 pajisje tjera. Që nga themelimi i saj, ndërmarrja nuk ka ndërmarrë ndonjë process rivlerësimi për këto pasuri dhe nuk ka përcaktuar vlerën e tyre kontabël në Pasqyrat financiare. Ndërmarrja nuk kishte dëshmi të pronësisë për sipërfaqen e tokave prej 5.86 hektar që është e regjistruar në regjistër të pasurive dhe për të gjitha ndërtesat e trashëguara nga KEK. Po ashtu, ndërmarrja ka në regjistrat të saj të regjistruar 11 apartamente të trashëguara me vlerë neto në libra 149,355€ për të cilat nuk ka informata të statusit të tyre pronësor dhe të njëjtit nuk janë në shfrytëzim të ndërmarrjes. Për shkak të natyrës së çështjes auditori nuk ka arritur të identifikoj vlerën financiare të	I kualifikuar	(5) të reja (6) të përsëritura	11
---	----------------------------	---------------	--	---------------	-----------------------------------	-----------

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			mos-regjistrimit por gabime konsiderohet material në aspektin e keq-deklarimit. Ndërmarrja nuk kishte trajtuar shpenzimet për tarifat e menaxhimit dhe zotimit të kredisë për projektin 'Përmirësimi i rrjetit të transmetimit – Faza VII', si dhe asetet, në përputhje me kërkesat e standardeve. Ndërmarrja nuk posedon evidencë të detajuar për provizionet gjyqësore, duke rezultuar në njohje të gabuar të shpenzimeve dhe nevojën për korrigjimin e gabimeve të periudhave të mëparshme.			
3	KRM "Pastërtia" Sh.A.	I kundërt	Ndërmarrja në pasqyrat financiare të vitit 2025 kishte prezantuar llogaritë e arkëtueshme në vlerë neto prej 4,375,357€. Ndërmarrja nuk kishte kryer analiza gjithëpërfshirëse në lidhje me aftësinë e pagesës së borxheve nga konsumatorët dhe nuk kishte njohur fare provizione vjetore për llogaritë e arkëtueshme që nga viti 2018.	I kundërt	(16) të reja (2) të përsëritura (1) pjesërisht i përsëritur	19

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			Ndërmarrja ka paraqitur 3,207,724€ si rezerva të tjera në pasqyrat financiare pa evidencë të mjaftueshme. Kjo zë përfshin transaksione që nuk janë të natyrës së rezervave të tjera (si tatime, provizione, falje borxhesh). Ndërmarrja që nga viti 2018 e këndeje nuk kishte bërë vlerësimin e pasurive të ndërmarrjes. Ne kemi identifikuar se në regjistrin kontabël të pasurive janë të përfshira një numër i konsiderueshëm prej 99 pasurive me kosto historike në shumën prej 1,094,384€ dhe që janë të zhvlerësuara në tërësi, pra vlera neto e tyre në librat kontabël është zero (0). Edhe pse këto pasuri janë ende aktive, nuk ishte bërë rivlerësimi dhe rishikimi i jetës së gjatësisë së tyre prej 7 vitesh. Ndërmarrja ka paraqitur në pasqyrat financiare për vitin 2025 detyrime afatshkurtra në vlerë prej 121,006€. Megjithatë, këto			
--	--	--	--	--	--	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			shuma lidhen me konteste gjyqësore ende të pazgjidhura dhe nuk përfaqësojnë detyrime të konfirmuara në bazë të një vendimi përfundimtar të gjykatës. Ndërmarrja obligimet tatimore i kishte nënvlerësuar në pasqyrat financiare për vitin 2025 në shumën prej 108,465€, duke mos reflektuar gjendjen e saktë të borxhit tatimor ndaj ATK-së. Pasuritë e prekshme dhe të paprekshme, për 6 mostrat e testuara në vlerë totale prej 89,169€, nuk janë mbështetur me dëshmi të mjaftueshme, pasi këto dëshmi nuk janë siguruar, dhe për rrjedhojë nuk kemi qenë në gjendje t'i verifikojmë dhe t'i paraqesim nëse gjendja e tyre është e saktë në pasqyrat financiare. Fitimet e mbajtura në vitin 2025 janë të pasakta për shkak se në vitin 2024 është paraqitur shpërndarja e dividendës prej 86,011€ pa vendim dhe dokumentacion mbështetës, e			
--	--	--	---	--	--	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			përdorur si shifër balancuese, duke ndikuar në pasqyrimin jo të saktë të pasqyrave financiare dhe shënimeve shpjeguese.			
4	Ndërmarrja Publike Kompania Rajonale e Ujësjetllësit "Prishtina" Sh.A.	I kualifikuar	Ndërmarrja ka mbivlerësuar të hyrat për 27,490€, rrjedhimisht edhe fitimin neto e kishte mbivlerësuar për këtë vlerë. Po ashtu, janë mbivlerësuar shpenzimet e TVSH-së për 2,390€ dhe llogaritë e arkëtueshme për 29,880€, nga faturimi financiar të një ujëmatësi i cili shërbente vetëm për matjen e sasisë së ujit. Ndërmarrja nuk ka kryer rishikimin e vlerës së mbetur të pasurisë në fund të vitit raportues. Si rezultat, në regjistrin e pasurive u identifikuan mangësi, përfshirë 3,240 pasuri në përdorim, të cilat janë zhvlerësuar plotësisht pa jetë të dobishme, me vlerë fillestare 13,254,718€. Në mungesë të informacioneve të sakta mbi vlerën e këtyre pasurive, ishte e pamundur të vlerësojmë saktësisht vlerën financiare të pasurive në përdorim.	I kualifikuar	(6) të reja (3) pjesërisht të përsëritura (10) të përsëritura	19

			Ndërmarrja ka mbivlerësuar vlerën neto të pasurisë për 54,746€, nga aplikimi i gabuar i zhvlerësimit. Ndërmarrja ka mbivlerësuar llogarinë e arkëtueshme në vlerë prej 46,743.23€. Në dy raste ndërmarrja kishte prezantuar si LLA shumën 47,147.55€, ndërsa sipas letrës së konfirmimit të pranuar nga klientët vlera e tyre ishte vetëm 403.32€. Ndërmarrja nuk kishte raportuar saktë zërin “Parapagimet dhe të arkëtueshmet tjera”, pasi nuk kishte bërë zbritjen e shpenzimeve të qirasë në vlerë prej 23,540€.			
5	Autoriteti Rregullator për Shërbimet e Ujit	I pamodifikuar		I pamodifikuar		0
6	KRU "Hidrodrini" Sh.A.	I kundërt	Mangësi në prezantim të pasurive afatgjata në pasqyrën e pozicionit financiar.	I kualifikuar	(2) të reja (8) të përsëritura	14

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			Ndërmarrja nuk kishte bërë rivlerësimin e pasurive fikse që nga viti 2005. Pjesa e investimeve për projektin “Ujësjiellësi dhe kanalizimi në zonat rurale, faza VI” në vlerë 345,508€, nuk ishin regjistruar në regjistrin e aseteve të ndërmarrjes. Llogaritë e arkëtueshme të prezantuara në pasqyrat financiare, krahasuar me shënimet analitike, kishin rezultuar me një diferencë prej 1,026,714€. Arkëtimet në shumën prej 199,928€, nuk janë zbritur konsumatorëve përkatës për obligimet e paguara ndaj ndërmarrjes, por këto mjete ishin regjistruar me përshkrimin "Konsumatorë të paidentifikuar". Ndërmarrja nuk i kishte provizionuar llogaritë e arkëtueshme siç kërkohet me standard.		(4) pjesërisht të përsëritura	
--	--	--	---	--	-------------------------------	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			Nga analiza e bilancit vërtetues, është konstatuar se të pagueshmet tregtare janë paraqitur me gjendje debitore prej 346,944€, çka nuk është në përputhje me natyrën e kësaj llogarie. Të hyrat e shtyra nga grantet ishin të mbivlerësuara për 950,494€, ndërsa të hyrat nga grantet në pasqyrën e të ardhurave ishin të nënvlerësuara për 430,490€. Mungesa e evidencës për rezervën e rivlerësimit në vlerë prej 21,744,554€ dhe mos amortizimi i saj ndër vite krijon pasiguri për saktësinë e regjistrimeve të duhura kontabël. Ndërmarrja nuk posedon dëshmi përkatëse për pranimin e 3,066 artikujve në vlerë 121,567€, të cilat ishin pranuar si donacion dhe të njëjtat figurojnë ende në stok. Në shënimet shpjeguese të pasqyrave financiare mungonin			
--	--	--	---	--	--	--

			informacione të rëndësishme. Ndërmarrja nuk ka shpalosur informacione për përbërjen e investimeve në vijim, të hyrat nga grantet dhe detyrimet kontingjente.			
7	Agjencia për Mbrojtjen e Informacionit të klasifikuar	I kualifikuar	Pasuritë kapitale të prezantuara në Pasqyrat Vjetore Financiare ishin të nënvlerësuara për 49,295€.	I pamodifikuar	(1) i ri	1
8	Institucioni i Avokatit të Popullit	I pamodifikuar		I pamodifikuar		0
9	Ndërmarrja Publike “Termokos“	I kualifikuar	Për shkak të përfshirjes së rivlerësimit të regjistri i granteve, të hyrat e shtyra janë mbivlerësuar për 1,741,280€. Në 13 raste pasuritë e financuara nga grantet me kosto fillestare prej 4,056,598€ (vlerë neto 3,255,425€), janë regjistruar gabimisht si pasuri të zhvlerësueshme. Po ashtu, në 10 raste, kostoja e aseteve është nënvlerësuar për 1,465,128€.	I kualifikuar	(9) të reja (9) të përsëritura (2) pjesërisht të përsëritura	20

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

		Si rezultat i trajtimit jo të duhur kontabël, pasuritë afatgjata janë nënvlerësuar për 3,980,792€, dhe njëkohësisht janë mbivlerësuar për 3,375,447€, për shkak të klasifikimit të gabuar të parapagimeve si pasuri dhe aplikimit të zhvlerësimit mbi to. Në 47 raste, shpenzimet e interesit, pagave dhe konsulencës, në vlerë totale prej 4,469,410€, janë regjistruar si pasuri të zhvlerësueshme, pa iu atribuar pasurisë përkatëse. Njohje e gabuar e të hyrave nga amortizimi i granteve ka rezultuar në pasqyrim jo të drejtë në pasqyrën e të ardhurave, pasqyrën e rrjedhës së parasë dhe pasqyrën e ekuitetit, për shumën 133,681€. Në dy raste, pasuritë e klasifikuara si investime në vijim, në vlerë prej 457,508€, janë përfshirë njëkohësisht edhe në regjistrin e pasurive në përdorim, duke rezultuar në mbivlerësim të pasurive për këtë shumë.			
--	--	--	--	--	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			Pasuritë në vlerë neto prej 8,166,058€, të cilat i përkasin të njëjtës klasë, nuk janë përfshirë në procesin e rivlerësimit. Në katër (4) raste, llogaritë e pagueshme janë mbivlerësuar në pasqyrat financiare për 401,713€, ndërsa në një (1) rast janë nënvlerësuar për 40,000€. Llogaritë e arkëtueshme të prezantuara në pasqyrat financiare, krahasuar me shënimet analitike, kanë rezultuar me një diferencë për 316,108€. Po ashtu, pesë (5) raste, llogarive të arkëtueshme në vlerë 128,777€, nuk janë të mbështetura me dëshmi përkatëse. Në kuadër të zërit “Konsumatorët tjerë”, ndërmarrja ka prezantuar një llogari të arkëtueshme me emërtimin “Borxhi i ngrirë” në vlerë prej 371,802€, e cila rrjedh nga një vendim i Bordit dhe aksionarëve i vitit 2010.			
--	--	--	--	--	--	--

			Mospërputhje në politikat kontabël dhe shpalosje jo e plotë e informacionit në pasqyrat financiare sa i përket matjes së aseteve dhe metodologjisë së llogaritjes së lejimeve. Ndërmarrja nuk ka njohur provizione për 26 konteste gjyqësore me humbje të mundshme prej 600,936€ dhe fitime të mundshme prej 16,297€ në përputhje me kërkesat përkatëse. Po ashtu, prona e ndërmarrjes me sipërfaqe 24,309m² e cila nuk është në shfrytëzim të ndërmarrjes, nuk është shpalosur në pasqyrat financiare.			
10	Kompania Rajonale e Mbeturinave "Uniteti" Sh.A Mitrovicë	I kundërt	Kompania kishte të regjistruara në regjistrin e saj katër parcela me vlerë 1,378,000€, të cilat nuk janë as në pronësi dhe as në shfrytëzim të saj, dhe katër objekte me vlerë neto prej 97,500€, të cilat sipas dëshmimeve përkatëse, janë rrënuar në vitin 2021 dhe si të tilla nuk ekzistojnë më. Ndërsa, nuk e kishte regjistruar në regjistrin e pasurisë	I kualifikuar	(3) të reja (17) të përsëritura (3) pjesërisht të përsëritura	23

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

		sipërfaqen ende në shfrytëzim nga Komuna e Mitrovicës vite më parë, të cilën kompania e shfrytëzon si deponi për menaxhimin e mbeturinave. Kompania në pasqyrat vjetore financiare kishte prezantuar llogaritë e arkëtueshme në vlerë neto prej 4,161,172€. Kompania nuk kishte kryer analiza gjithëpërfshirëse në lidhje me aftësinë e pagesës së borxheve nga konsumatorët dhe nuk kishte njohur fare provizione vjetore për llogaritë e arkëtueshme që nga viti 2018. Menaxhimi i llogarive të arkëtueshme nuk është efektiv, pasi kompania vazhdon të mbajë në regjistra 3,471,205€ borxhe të paarkëtueshme, prej të cilave 1,648,883€ borxhe të vjetra para vitit 2017 për klientët e Mitrovicës, 1,484,742€ për klientët e Vushtrrisë që nuk menaxhohen më nga kompania dhe 337,580€ për klientët pasivë në njësitë Mitrovicë dhe Skenderaj. Po ashtu, regjistri i llogarive të			
--	--	--	--	--	--

			arkëtueshme nuk është i plotë, pasi borxhet e 10 klientëve në vlerë prej 118,622€ nuk janë të përfshira në regjistër dhe, rrjedhimisht, as në pasqyrat financiare. Të hyrat e shtyra nga grantet ishin prezantuar në vlerë 303,120€, ndërsa testimet tona tregojnë se vlera e prezantuar ishte nënvlerësuar për 324,810€. Si rrjedhojë, edhe të hyrat tjera të prezantuara në pasqyrën e të ardhurave ishin nënvlerësuar për 50,280€. Korrigjimet e bëra në zërin "Rezervat Tjera" në shumën totale prej 1,531,455€ nuk janë dokumentuar dhe as nuk janë arsyetuar për llogaritjet që kanë çuar në realizimin e këtyre ndryshimeve. Keqprezantim i detyrimeve tatimore ndaj Administratës Tatimore të Kosovës (ATK) në vlerë prej 469,887€, si rezultat i nënvlerësimit të tyre në regjistrat kontabël.			
--	--	--	---	--	--	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			Në pasqyrën e rrjedhës së parasë, ndërmarrja kishte përfshirë vlera që nuk përfaqësojnë rrjedha reale të parasë, konkretisht 40,630€ të evidentuara si rritje në detyrimet tjera, që paraqesin ndryshimin në fitimin e mbajtur, si dhe 205,999€ të evidentuara si ndryshime tjera në ekuitet, që paraqesin ndryshimin në zërin “rezervat tjera”. Këto ndryshime janë diferencë ndërmjet gjendjes së vitit 2025 dhe vitit 2024. Shpenzimet operative në pasqyrat financiare ishin nënvlerësuar për 16,336€ krahasuar me shënimet kontabël. Ndërsa, shpenzimet për polisa sigurimi në vlerë prej 5,280€ dhe pagesa prej 1,468€ për depozitë sigurie janë trajtuar gabimisht si shpenzim, duke ndikuar në mbivlerësim të shpenzimeve. Prezantimi i llogarive të pagueshme tregtare në pasqyrat financiare nuk ishte i saktë, pasi nuk ishin përfshirë dy fatura në vlerë 12,879€.			
--	--	--	---	--	--	--

			Shpenzimet e pagave të raportuara në pasqyrat financiare (1,387,989€) nuk përputhen me ato të deklaruara në ATK (1,394,256€), me një diferencë prej 6,267€. Janë identifikuar pasaktësi në trajtimin e të hyrave, përfshirë korrigjimet e viteve të kaluara në vlerë prej 25,985€ të reflektuara në vitin aktual, trajtimin e kthimit të akontacioneve në vlerë prej 3,550€ si zvogëlim i të hyrave, si dhe njohjen e të hyrave në vlerë prej 3,497€ në periudha jo përkatëse.			
11	Ministria e Administrimit të Pushtetit Lokal	I kualifikuar	Vlera e pasurive kapitale të ministrisë ishte e mbivlerësuar për 833,567€ si rezultat i mos-shlyerjes së pagesave të regjistruara në kategorinë investim në vijim, pas përfundimit të projekteve të bashkëfinancuara për komuna. Vlera e pasurive jokapitale e prezantuar në PFV në vlerë 108,195€, ishte mbivlerësuar si	I pamodifikuar	(2) të përsëritura	2

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			rezultat i mos aplikimit të zhvlerësimit për pasuritë nën 1,000€, për më tepër në regjistrin e pasurive nuk figuron as zhvlerësimi i akumuluar.			
12	Stacioni i Autobusëve Sh.A. Prishtinë	I kundërt	Ndërmarrja kishte prezantuar pasuri afatgjata në pasqyrat financiare vjetore me vlerë prej 20,514,007€. Megjithatë, janë identifikuar dobësi të rëndësishme në menaxhimin dhe regjistrimin e pasurive, të cilat ndikojnë në besueshmërinë dhe plotësinë e informacionit financiar. Ndërmarrja gjatë vitit 2025 kishte pranuar dy raporte të rivlerësimit për pasuritë e paluajtshme dhe për pasuritë e luajtshme. Megjithatë, për pasuritë e paluajtshme nuk kishte trajtuar eliminimin e zhvlerësimit të akumuluar në vlerë prej 390,620€, ndërsa për pasuritë e luajtshme rivlerësimi nuk është reflektuar në regjistrat kontabël dhe pasqyrat financiare vjetore.	I kundërt	(14) të reja (2) të përsëritura (1) pjesërisht të përsëritura	17

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

		Ndërmarrja kishte prezantuar në pasqyrën e pozicionit financiar tek gjithsej ekuiteti vlerën 21,665,491€, mirëpo për vlerën e fitimeve të mbajtura (2,172,383€) dhe saldon fillestare të rezervave tjera në vlerë 14,196,665€, ndërmarrja nuk posedon evidenca analitike mbështetëse për këto saldo të cilat do të mundësonin verifikimin e lëvizjeve të tyre ndër vite. Ndërmarrja tek pasqyra e të ardhurave gjithëpërfshirëse kishte prezantuar të hyrat në vlerë 1,745,583€, duke i mbivlerësuar ato për 289,559€. Ndërmarrja në pasqyrën e pozitës financiare pasuritë dhe detyrimet tjera afatshkurtra nuk i kishte prezantuar sipas dokumenteve burimore apo shënimeve kontabël. Ndërmarrja kishte prezantuar në pasqyrën e pozitës financiare llogaritë e arkëtueshme tregtare dhe të tjera në vlerë neto prej 119,451€. Ndërmarrja nuk kishte			
--	--	--	--	--	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

		kryer analiza gjithëpërfshirëse në lidhje me aftësinë e pagesës së borxheve nga klientët dhe nuk kishte njohur fare provizionime vjetore për llogaritë e arkëtueshme ndër vite. Ndërmarrja nuk kishte bërë harmonizimin e llogarive të arkëtueshme me klientët e saj dhe si rrjedhojë me (2) dy klientë nuk kishte bërë harmonizimin periodik, duke rezultuar me diferencë prej 10,033€ me shënimet kontabël, në (2) dy raste, ndërmarrja kishte faturuar pa kontratë dhe klientët refuzojnë obligimet e tyre në vlerë prej 42,873€. Shënimet kontabël nga të cilat rrjedhin pasqyrat financiare nuk respektojnë parimin e kontabilitetit të dyfishtë, pasi ana kreditore tejkalon anën debitore për 14,530€, duke reflektuar mungesë të kontrolleve dhe duke cenuar besueshmërinë e të dhënave kontabël dhe pasqyrave financiare të ndërmarrjes.			
--	--	--	--	--	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			Ndërmarrja nuk kishte përpiluar PFV-të në bazë të modelit ilustrues të prezantimit të PFV-ve dhe nuk kishte prezantuar saktë informacionet krahasuese për periudhën paraprake në pasqyrat financiare. Ndërmarrja nuk kishte bërë shpalosjen e të dhënave të prezantuara në PFV sipas standardeve ndërkombëtare të kontabilitetit.			
13	Autoriteti i Aviacionit Civil	I pamodifikuar		I pamodifikuar		0
14	NPH “Ibër - Lepenc” Sh.A.	I kualifikuar	Ndërmarrja në pasqyrat financiare më 31.12.2025 tek zëri i parapagimeve ka paraqitur shumën prej 2,820,901€, nga kjo shumë 934,216€ nuk i përkasin parapagimeve por pasurive të kushtëzuara. Rrjedhimisht, për këtë shumë kemi mbivlerësim të pasurive afatshkurtra. Mbivlerësimi i pasurisë si pasojë e moszbatimit të amortizimit për dy	I kualifikuar	(7) të reja (4) të përsëritura	11

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			muajt e vitit 2025, pas rivlerësimit në vlerë prej 300,189€. Në vitin 2025 ndërmarrja ka kryer vlerësimin për herë të parë të pasurisë tokës dhe e ka njohur si pasuri në pasqyrat financiare me vlerë prej 25,438,800€. Si rezultat i këtij vlerësimi, ndërmarrja ka rritur fitimet e mbajtura për të njëjtën shumë (25,438,800€). Megjithatë, ndërmarrja nuk ka njohur detyrimin për tatimin e shtyrë në vlerë prej 2,543,800€. Në vitin 2025 ndërmarrja ka kryer vlerësimin për herë të parë të një pasurie afatgjatë në vlerë prej 1,547,952€, e cila në periudhat e mëparshme nuk ka qenë e regjistruar dhe as e paraqitur në pasqyrat financiare. Si rezultat i këtij veprimi, ndërmarrja ka rritur rezervën e rivlerësimit në kapital për 1,547,952€, nuk i ka rritur fitimet e mbajtura dhe nuk ka njohur detyrime për tatimin e shtyrë ashtu siç kërkohet me standardin SNK 12 “Tatimi mbi të ardhurat”.			
--	--	--	--	--	--	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			Shuma e rezervës së rivlerësimit e prezantuar në pasqyrat financiare ishte 202,404,505€, si rezultat i rritjes së vlerës së pasurive nga rivlerësimi i kryer në vitin 2007 në vlerë 162,424,909€, si dhe rivlerësimit të pasurisë në vlerë 39,979,596€ që ka ndodhur në vitin 2025. Ndërmarrja nuk kishte përllogaritur zhvlerësimin e rezervës rivlerësuese nga viti 2008 e këndej. Ndërmarrja kishte prezantuar pronat e kategorisë tokë në PFV për vitin 2025. Gjashtë prona me sipërfaqe prej 21.1 hektarësh janë në shfrytëzim nga ndërmarrja, por pa dëshmi të pronësisë; dy parcela me sipërfaqe prej 85,901m², ku ndërmarrja nuk ka informacione se ku gjinden si lokacione dhe për çka shfrytëzohen; tre parcela me sipërfaqe 176,542m² të cilat nuk shfrytëzohen nga NPH “Ibër Lepenc”, në total pesë parcela me sipërfaqe prej 328,097m² figurojnë në regjistrin e rivlerësimit të aseteve dhe në regjistrin e aseteve të			
--	--	--	---	--	--	--

			ndërmarrjes, por nuk gjinden në regjistrin total të pronave nga kadastra dhe nuk kanë certifikata të pronësisë. Gjithashtu, 58 parcela në Ribariq, Tutin–Novi Pazar, me sipërfaqe totale prej 167,531m², të cilat janë në pronësi të ndërmarrjes, por ndodhen në territorin e Republikës së Serbisë, nuk ishin përfshirë në regjistrin e pasurive. Të hyrat e shtyra nga grantet të prezantuara në pasqyrën e pozicionit financiar reflektojnë një diferencë në vlerë prej 159,784 € krahasuar me shënimet analitike, që kanë derivuar nga mospërputhja në shënimet nga PFV-të e vitit 2024 e që kanë ndikim edhe në PFV 2025.			
15	Komisioni i Pavarur për Media	I pamodifikuar		I pamodifikuar		0

16	Komuna e Istogut	I kualifikuar	Keqklasifikime në kategori të ndryshme ekonomike jo adekuatë në vlerë prej 2,231,264€, të cilat janë realizuar përmes ekzekutimit të vendimeve gjyqësore/përmbarimore.	I kualifikuar	(5) të reja (7) të përsëritura	12
17	Komuna e Graçanicës	I kualifikuar	Llogaritë e arkëtueshme ishin të nënvlerësuara në RFV për vlerën prej 1,418,635€. Ishin bërë keqklasifikime të shpenzimeve në kategori ekonomike në vlerë 282,706€. Pasuritë kapitale dhe jokapitale nuk janë prezantuar saktë në RFV, si dhe stoqet ishin të nënvlerësuara për 528,666€, për shkak të mos regjistrimit të tyre.	I kualifikuar	(3) të reja (11) të përsëritura (1) pjesërisht i përsëritur	15
18	Komuna e Gjilanit	I kualifikuar	Keq klasifikimi i shpenzimeve në kategori ekonomike në vlerë 3,768,965€, si rezultat i ekzekutimit të pagesave bazuar në vendime gjyqësore/përmbarimore. Blerjet e pasurisë në vlerë 1,761,172€ nuk ishin regjistruar në sistemin e SIMFK-së dhe e-pasurisë, duke rezultuar në	I kualifikuar	(2) të reja (10) të përsëritura (1) pjesërisht i përsëritur	13

			nënvlerësim të pasurisë në raportin vjetor financiar për këtë shumë. Detyrimet kontingjente të shpalosura në RFV ishin mbivlerësuar për 152,231€, si pasojë e përfshirjes së pretendimeve të dyfishuara. Obligimet e papaguara të shpalosura në RFV ishin mbivlerësuar për 13,719€, për shkak të mos largimit nga regjistri i faturave tashmë të paguara.			
19	Radio Televizioni i Kosovës	I pamodifikuar		I kualifikuar	(6) të reja (2) të përsëritura	8
20	Akademia e Shkencave dhe e Arteve e Kosovës	I pamodifikuar		I pamodifikuar		0

21	Komuna e Shtimes	I kualifikuar	Gjatë vitit 2025, bazuar në vendime gjyqësore Thesari ka ekzekutuar pagesa direkte në vlerë prej 582,606€ nga buxheti i Komunës për paga jubilarë dhe shtesa, të cilat janë regjistruar në kategori ekonomike joadekuate.	I kualifikuar	(3) të reja (6) të përsëritura (1) pjesërisht i përsëritur	10
22	Agjencia e Shërbimeve të Navigacionit Ajror	I kualifikuar	ASHNA kishte nënvlerësuar pasuritë në vlerë 356,414€, për shkak të mos regjistrimit të tyre në regjistrin e SIMFK-së.	I kualifikuar	(1) i ri (1) i përsëritur	2
23	Komuna e Lipjanit	I kualifikuar	Ishin bërë keqklasifikime të shpenzimeve në kategori të ndryshme ekonomike në vlerë 2,222,992€, përfshirë pagesa për paga jubilarë, shtesa, mallra dhe shërbime që janë raportuar në kategori të gabuara ekonomike.	I kualifikuar	(4) të reja (7) të përsëritura (1) pjesërisht i përsëritur	12
24	Këshilli i Kosovës për Trashëgimi Kulturore	I pamodifikuar		I pamodifikuar	(1) i ri 1	1
25	Zyra e Rregullatorit për Energji	I kualifikuar	Nga testimet e realizuara kemi identifikuar nënvlerësim të pasurisë kapitale në shumën prej 74,639€, si rezultat i mosregjistrimit të plotë dhe me kohë të pasurive në SIMFK para	I kualifikuar	(7) të reja	7



ZKA

ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			përgatitjes së Pasqyrave Vjetore Financiare, dhe mbivlerësim në shumë prej 2,576€ në regjistrin e pasurive nën 1,000€, si rezultat i gabimeve në kalkulimin e zhvlerësimit të pasurive.			
26	Paneli Zgjedhor për Ankesa dhe Parashtresa	I pamodifikuar		I pamodifikuar		0
27	Këshilli Gjyqësor i Kosovës	I pamodifikuar		I kualifikuar	(4) të reja (1) i përsëritur	5
28	Zyra e Kryeministrit	I kualifikuar	Pasuritë kapitale në vlerë 465,768€, të blera gjatë vitit 2025 nuk ishin regjistruar në regjistrat përkatës (ishin nënvlerësuar), ndërsa pasuritë jo kapitale (nën 1000 EUR) në vlerë prej 6,752€, ishin regjistruar edhe në SIMFK (mbivlerësuar). Shpenzimet në vlerë 21,852€, ishin regjistruar në kategori ekonomike jo adekuate.	I pamodifikuar	(4) të përsëritura	4

29	Zyra e Presidentit	I pamodifikuar		I pamodifikuar	(2) të reja (1) pjesërisht i përsëritur	3
30	Kuvendi i Republikës së Kosovës	I pamodifikuar		I pamodifikuar	(1) i ri	1
31	Shërbimi Spitalor dhe Klinik Universitar i Kosovës	I kualifikuar	Prezantimi dhe shpalosja e regjistrit të pasurive kapitale në PFV ishte nënvlerësuar për 8,415,650€, ndërsa regjistri i pasurive jokapitale ishte nënvlerësuar për 662,078€ si pasojë e mos regjistrimit të pasurive dhe klasifikimit të gabuar në regjistra. Shpenzimet e prezantuara në PFV ishin keqklasifikuar në vlerë 3,857,681€ duke ndikuar në mbivlerësimin/nënvlerësimin e kategorive ekonomike adekuate. Buxheti fillestar dhe final i të hyrave në Pasqyrën e ekzekutimit të buxhetit në Pasqyrat Financiare Vjetore (PFV) ishte nënvlerësuar për 1,048,801€, për shkak të	I kualifikuar	(5) të reja (7) të përsëritura	12

			prezantimit jo të drejtë të informatave mbi buxhetin. Si rezultat i mungesës së vlerësimit jo të duhur financiar dhe mos përditësimit të regjistrit, detyrimet kontingjente ishin mbivlerësuar për 233,634€. Stoku farmaceutik i shpalosur në PFV ishte mbivlerësuar për shkak të përfshirjes së artikujve me afat të skaduar në vlerë 58,154€. Në Spitalin e Prizrenit pasuria "Kombi Bus-4 dyer" figuronte në regjistrat e pasurisë, por nuk është arritur të konfirmohet ekzistenca e saj fizike.			
32	Komuna e Malishevës	I kualifikuar	Llogaritë e arkëtueshme të shpalosura në pasqyrat vjetore financiare ishin nënvlerësuar për 944,848€, si rezultat i diferencës ndërmjet regjistrit detal analitik të llogarive të arkëtueshme me aneksin përkatës të prezantuar në PFV. Po ashtu, në 19 raste tek llogaritë e arkëtueshme të taksës për ushtrimin e veprimtarisë në vlerë 129,229€, si dhe në tre (3) raste të qirave nga shfrytëzimi i pronës komunale në vlerë	I kualifikuar	(18) të përsëritura (1) pjesërisht i përsëritur	19

			35,726€, mungonin dokumentet burimore të llogarive të arkëtueshme; Keq klasifikimi i shpenzimeve në kategori ekonomike në vlerë 664,254€, si rezultat i ekzekutimit të pagesave bazuar në vendime gjyqësore/përmbartimore, si dhe pagesave të tjera të realizuara nga Komuna; Pasuritë e prezantuar në Raportin Vjetor Financiar ishin të keqdeklaruar, si rezultat i mosregjistrimit të investimeve kapitale dhe investimeve në vijim në vlerë prej 1,717,728€, si dhe mbivlerësimit të pasurive jokapitale për 271,691€; Detyrimet kontingjente të shpalosura në raportin vjetor financiar ishin keqdeklaruar për 266,031€, si rezultat i mos përditësimit të regjistrit pas pagesës së detyrimeve, si dhe mos përfshirjes së plotë të detyrimeve në raste të caktuara.			
--	--	--	---	--	--	--

33	Komuna e Suharekës	I kualifikuar	Gjatë vitit 2025, bazuar në vendime gjyqësore Thesari ka ekzekutuar pagesa në vlerë prej 3,082,897€ nga buxheti i Komunës për paga jubilarë dhe shujta, të cilat janë regjistruar në kategori ekonomike jo adekuate.	I kualifikuar	(5) të reja (7) të përsëritura (1) pjesërisht i përsëritur	13
34	Agjencia Kosovare për Krahësim dhe Verifikim të Pronës	I pamodifikuar		I pamodifikuar	(3) të reja	3
35	Ministria e Ekonomisë	I kualifikuar	Ministria nuk kishte prezantuar saktë vlerën e pasurive në PFV, për shkak se vlera e pasurive ishte mbivlerësuar për 6,996,517€ dhe nënvlerësuar për 181,345€. Këto mangësi përfshijnë mosbartjen e pronësisë për projektet e përfunduara të efijencës së energjisë të institucionet përfituese, raportimin jo të saktë të pasurive, si dhe mosregjistrimin e disa pasurive në regjister. Ministria nuk kishte trajtuar dhe regjistruar siç duhet pagesat që ndërlidhen me investimet kapitale, në përputhje me kërkesat për kapitalizimin e tyre,	I pamodifikuar	(3) të reja (2) të përsëritura	5

			si rezultat vlera e pasurive ishte e nënvlerësuar për 627,643€. Ministria e Ekonomisë gjatë vitit 2025 kishte paguar/shpenzuar nga kategoria ekonomike jo adekuate vlerën prej 223,470€.			
36	Komisioni Qendror i Zgjedhjeve	I pamodifikuar		I pamodifikuar	(1) i ri	1
37	Ministria e Zhvillimit Rajonal	I kualifikuar	Regjistri i pasurive kapitale ishte i mbivlerësuar për 170,321€, pasi Ministria nuk kishte fshirë nga regjistri i pasurisë investimet e përfunduara në projektet e bashkëfinancuara me komunat.	I pamodifikuar	(1) i përsëritur	1
38	Komuna e Klinës	I kualifikuar	Ishin bërë keqklasifikime të shpenzimeve në kategori të ndryshme ekonomike në vlerë 509,160€. Detyrimet kontingjente të prezantuara në nenin 18 të Raportit Vjetor Financiar ishin të nënvlerësuar për 112,905€.	I kualifikuar	(5) të reja (6) të përsëritura (1) pjesërisht i përsëritur	12

39	Gjykata Kushtetuese e Kosovës	I pamodifikuar		I pamodifikuar		0
40	Komuna e Podujevës	I kualifikuar	Shpenzimet e prezantuara në PFV ishin keqklasifikuar në vlerën 3,653,581€, pasi që Thesari ka ekzekutuar pagesa bazuar në vendime gjyqësore nga buxheti i Komunës për paga jubilarë dhe shujta, të cilat janë regjistruar në kategori ekonomike jo adekuate.	I kualifikuar	(3) të reja (7) të përsëritura (1) pjesërisht i përsëritur	11
41	Komuna e Prizrenit	I kualifikuar	Keqklasifikime në kategori të ndryshme ekonomike jo adekuate në vlerë prej 2,148,191€, pagesa të cilat janë realizuar përmes ekzekutimit të vendimeve gjyqësore/përmbartimore. Llogaritë e arkëtueshme të prezantuara në raportin vjetor financiar ishin nënvlerësuar për 355,098€. Mos raportimi i pasurive jo financiare në PFV si dhe mos mbyllja e investimeve në vijim.	I kualifikuar	(6) të reja (8) të përsëritura	14

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

42	Ministria e Arsimit, Shkencës, Teknologjisë dhe Inovacionit	I kualifikuar	MASHTI në vitin 2025 ka paguar dhe regjistruar shpenzime në vlerë 3,287,630€ në kategori ekonomike jo adekuate, si rezultat i planifikimit jo të mirë buxhetor dhe pagesave të kryera nga thesari me vendime gjyqësore. Vlera e prezantuar në PFV për pasuritë kapitale ishte e nënvlerësuar për 1,140,570€, për shkak të mosregjistrimit të tyre në regjistrat përkatës të pasurisë. Po ashtu, kishte mbivlerësuar pasuritë për vlerën 11,407€, pasi të njëjtat ishin regjistruar në SIMFK dhe në e-Pasuri. Detyrimet kontingjente në PFV nuk janë paraqitur në mënyrë të saktë, duke rezultuar në nënvlerësim prej 2,360,167€ dhe mbivlerësim prej 2,349€. Kjo ka ndodhur si pasojë e klasifikimit të gabuar të dy lëndëve, të cilat janë trajtuar si obligime të papaguara në vend se të paraqiteshin si detyrime kontingjente. Si rrjedhojë, detyrimet e papaguara janë mbivlerësuar për 2,127,636€, ndërsa detyrimet	I kualifikuar	(1) i ri (8) të përsëritura	9
----	--	---------------	--	---------------	--------------------------------	---

			kontingjente janë nënvlerësuar për të njëjtën vlerë.			
43	Komuna e Skenderajt	I kualifikuar	Shpenzime në vlerë 493,807€ janë paguar dhe regjistruar në kategori ekonomike jo adekuate. Detyrimet kontingjente të prezantuara në pasqyrat vjetore financiare janë mbivlerësuar për 127,978€.	I kualifikuar	(2) të reja (8) të përsëritura (1) pjesërisht i përsëritur	11
44	Ministria e Punëve të Jashtme dhe Diasporës	I pamodifikuar		I kualifikuar	(12) të reja (1) pjesërisht i zbatuar (1) i përsëritur	14
45	Ministria për Komunitete dhe Kthim	I kualifikuar	Vlera e pasurive kapitale në Pasqyrat Vjetore Financiare ishte mbivlerësuar për 256,463€, si rezultat i mosmbylljes së investimeve në vijim pas kryerjes së pranimeve teknike, si dhe ishte nënvlerësuar për 5,272€, si rezultat i mosregjistrimit të pasurive kapitale në regjistrin e pasurive.	I pamodifikuar	(1) i përsëritur	1

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

46	Komuna e Pejës	I kualifikuar	Komuna gjatë ekzekutimit të buxhetit kishte realizuar pagesa në vlerë 555,020€, nga kategoritë ekonomike jo adekuate. Pasuritë e komunës ishin të mbivlerësuara për 4,351,051€, si rezultat i regjistrimeve të gabuara dhe mos bartjes së pasurive. Obligimet e papaguara janë mbivlerësuar për 30,610€, si rezultat i mosmbajtjes së evidencave të plota dhe të sakta.	I kualifikuar	(4) të reja (7) të përsëritura (1) pjesërisht i përsëritur	12
47	Ministria e Mbrojtjes	I pamodifikuar		I kualifikuar	(2) të reja (1) i përsëritur (3) pjesërisht të përsëritura	6
48	Korporata Energjetike e Kosovës	I kualifikuar	Ndërmarrja nuk ka arritur të finalizojë përditësimin e regjistrit të pasurive të paluajtshme, pavarësisht veprimeve të ndërmarra gjatë vitit 2025. Në regjistër vazhdojnë të figurojnë prona që nuk janë në pronësi të ndërmarrjes, përfshirë pesë prona të transferuara te Infrakos në vlerë 7,867,541€, 11 parcela të identifikuara për fshirje në vlerë	I kualifikuar	(6) të reja (6) të përsëritura	12

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			866,223€, si dhe prona “Mali i pyllëzuar” në Podujevë në vlerë 5,000,000€. Po ashtu, prona në Prishtinë nuk është përditësuar sipas certifikatës së pronësisë, ndërsa ajo në Vasilevë është vetëm pjesërisht e regjistruar. Gjithashtu, janë evidentuar mangësi në regjistrin e pasurive, përfshirë përshkrimet e paplota dhe parcelat e pabartuara nga proceset e shpronësimit. Menaxhmenti gjatë vitit 2023 ka kryer rivlerësim vetëm për kategorinë e tokave, ndërsa kategoritë tjera të pasurive janë mbajtur sipas modelit të kostos fillestare. Megjithatë, regjistri i pasurive përmban 472 pasuri me vlerë neto 7,744,723€ që nuk janë në përputhje me këtë model. Në regjistër janë 5,376 pasuri me vlerë fillestare, të rivlerësuar dhe vlerë neto zero, duke përfshirë objekte, rrugë, hekurudha, rrjete, largpërçues, pajisje dhe makineri. Ndërmarrja nuk kishte bërë trajtimin e plotë të rezultateve të komisionit të inventarizimit dhe			
--	--	--	--	--	--	--

**ZKA**ZYRA KOMBËTARE E AUDITIMIT
NACIONALNA KANCELARIJA REVIZIJE
NATIONAL AUDIT OFFICE

			nuk kishte bërë harmonizimin e plotë të rezultateve me shënimet kontabël, të cilat përfshijnë mos harmonizim të pasurive në vlerë 135,501€.			
49	Raporti i Auditimit për Pasqyrat Financiare Vjetor për Qëllime të Veçanta të Divizioneve të Ndara të Korporates Energjetike të Kosovës për Zyrën e Rregullatorit të	I pamodifikuar				

	Energjisë – Viti 2025					
50	Ministria e Industrisë, Ndërmarrësisë dhe Tregtisë	I kualifikuar	Detyrimet kontingjente të ministrisë në PFV ishin të mbivlerësuara për 240,500€. Obligimet e pa-paguara në PFV ishin të nënvlerësuara për 36,443€.	I kualifikuar	(3) të reja (4) të përsëritura (1) pjesërisht i përsëritur	8
51	Autoriteti Rregullativ i Hekurudhave	I pamodifikuar		I pamodifikuar		0
52	Komuna e Mitrovicës Veriore	I pamodifikuar		I pamodifikuar	(2) të reja (2) të përsëritura (2) pjesërisht të përsëritura	6
53	Komuna e Ferizajit	I kualifikuar	Shpenzimet e prezantuara në PFV në vlerë totale 7,970,067€ nuk janë klasifikuar në kategoritë e duhura ekonomike, por janë raportuar në kategori të gabuara buxhetore, duke ndikuar në	I kualifikuar	(8) të reja (10) të përsëritura (1) pjesërisht i përsëritur	19

			mbivlerësimin/nënvlerësimin e kategorive ekonomike adekuate. Vlera e detyrimeve kontingjente të prezantuara në pasqyrat vjetore financiare ishte nënvlerësuar për 140,738€. Prezantimi jo i saktë i detyrimeve të papaguara në PFV në vlerë prej 127,235€.			
54	Ministria e Mjedisit, Planifikimit Hapësinor dhe Infrastrukturës	I kualifikuar	Ministria nuk ka prezantuar në mënyrë të saktë llogaritë e arkëtueshme nga lejet ujore në PFV, duke i nënvlerësuar ato për 28,861€. Ministria nuk ka paraqitur një detyrim në vlerë prej 270,000€ në PFV si detyrim i papaguar, duke rezultuar në raportim jo të plotë të detyrimeve. MMPHI ka realizuar pagesa në vlerë prej 469,885€ për 61 punonjës, për të cilët nuk ka evidenca për vijueshmërinë në punë.	I kualifikuar	(13) të reja (10) të përsëritura (3) pjesërisht të zbatuara	26

			Janë identifikuar mangësi në regjistrimin dhe menaxhimin e pasurive, të cilat në total kanë ndikuar në mbivlerësim të pasurive kapitale për 40,172,324€. Po ashtu, në dy raste nuk është siguruar dokumentacioni mbështetës, duke kufizuar procedurat e auditimit për verifikimin e saktësisë së regjistrimeve. Detyrimet kontingjente të prezantuara në PFV ishin të mbivlerësuara për efektin neto prej 7,141€, ndërsa për një padi prej 180,000€ nuk janë siguruar dëshmi përkatëse. Shpenzimet ishin keq klasifikuar në vlerë prej 2,735,190€, duke ndikuar në mbivlerësimin/nënvlerësimin e kategorive jo adekuate.			
55	Universiteti i Prishtinës	I kualifikuar	Pasuria kapitale me vlerë mbi 1,000€ nuk është prezantuar në vlerë të plotë dhe të saktë, për faktin se regjistri i pasurive kapitale nuk ka përfshirë të gjitha pronat që janë në shfrytëzim të	I kualifikuar	(6) të përsëritura	6

			UP-së. Këto pasuri përfshinin tri komplekse universitare, dy objekte dhe një parcelë toke. Kjo e kishte nënvlerësuar në vlerë materiale pasurinë e raportuar në PFV-të për vitin 2025, raportin për pasuri kapitale në nenin 19.3.1. Për shkak të natyrës së çështjes, auditori nuk ka arritur të identifikojë vlerën financiare të mosregjistrimit, por gabimi konsiderohet material në aspektin e keqdeklarimit. UP në vitin 2025 ka paguar dhe regjistruar shpenzime në vlerë 207,053€ në kategori ekonomike jo adekuate, si rezultat i pagesave të kryera nga thesari me vendime gjyqësore. Detyrimet kontingjente në PFV ishin të mbivlerësuar për 58,094€, si pasojë e prezantimit të katër lëndëve të paguara.			
56	Ministria e Drejtësisë	I pamodifikuar		I kualifikuar	(3) të reja (3) të përsëritura	6

Numri total i opinioneve, konkluzioneve dhe rekomandimeve nga raportet e auditimit për vitin 2025.

Raportet e rregullsisë të publikuara për periudhën 01.01.2026-19.06.2026	56		
OPINIONI	I kualifikuar (31)	I pamodifikuar (21)	I kundërt (4)
KONKLUZIONI	I kualifikuar (32)	I pamodifikuar (20)	I kundërt (2)
REKOMANDIME	457		